

YIMRE DHARUURA(LARUURA)

1. Allah ngettami dow yeḏeego basiira
Annda diina Muhaamadu dow laruura.
2. Allah dumnoy salaatu dow bajjo darḏo,
Barki muuḏum ḏo anndira dow laruura.
3. Aalo'en non Sahaabo'en fahmoyiibe,
Diina Allah he teddinaa dow laruura.
4. Kaa'idaaji jowi ḏi baabuuji diina,
Djamḏi Moodiibe anndirraaḏi laruura.
5. Maslahaaku yo goo mufsidaaji,
Diina ḏum reeni anndiree ḏum laruura.
6. Maslahhaku ngu'u resaa dow kamala,
Godḏi dow haaje godḏi bo dow laruura.
7. Umra mboodeengo surngilo ḏum ko halli,
Ḑum farillaaji anndirraaḏi laruura.
8. Habbu iimaanu anndu ḏum gongḏinoyki,
Huunde nde nulaaḏo waddi laati laruura.
9. Doggu fuu kufu anndi ḏum jankiroyki,
Huunde nde Nulaaḏo waddi laati laruura.
10. Huunde fuu eajibiire daga taako hoynee,
Yiike wallhi yiikesey koo laruura.